

IGUALDADE

CONCELLERÍA DE IGUALDADE
E NORMALIZACIÓN
LINGÜÍSTICA

CONCELLO
DE VIGO



Ref. Expediente 11636/224	
Asunto	SUBVENCIONS PROMOCIÓN DEPORTE FEMININO
Destinataria	CLUB CÍES SQUASH CAMELIAS 114 VIGO (PONTEVEDRA) 36211

Mediante acordo da Xunta de Goberno Local do Concello de Vigo do 21 de abril de 2022, aprobáronse as Bases reguladoras específicas e a convocatoria para a concesión de subvencións da Concellería de Igualdade a entidades deportivas de Vigo para a promoción do deporte feminino na tempada 2021-2022 ou do ano 2022, no caso das modalidades deportivas cuxa tempada deportiva sexa anual.

Unha vez rematada a fase de instrución das solicitudes recibidas e avaliadas segundo o establecido na Base sétima, a Xunta de Goberno Local do Concello de Vigo, na sesión que tivo lugar o día 11 de agosto de 2022 adoptou, entre outros, o seguinte acordo:

Conceder a subvención solicitada dentro do “Programa de subvencións da Concellería de Igualdade para a concesión de subvencións a entidades deportivas de Vigo para a promoción do deporte feminino na tempada 2021/2022 ou do ano 2022, no caso das modalidades cuxa tempada deportiva sexa anual” á entidade CLUB CÍES SQUASH pola contía da axuda indicada:

ENTIDADE: CLUB CÍES SQUASH	Axuda concedida: 630,01 €
----------------------------	---------------------------

De acordo coas Bases do programa comunicámoslle as seguintes instrucións que esa entidade, como beneficiaria da subvención, debe ter en conta e cumprir na fase de execución e xustificación do proxecto obxecto da axuda:

1º. GASTOS SUBVENCIONABLES E NON SUBVENCIONABLES

Serán gastos subvencionables os que de xeito indubidable correspondan ao funcionamento da entidade solicitante e sexan ocasionados pola actividade propia desta, así como os motivados pola participación ou organización de actividades deportivas dos equipos con licencias femininas.

Tendo en conta o establecido no parágrafo anterior, terán consideración de gastos subvencionables os seguintes:

- pagamento de licencias federativas femininas;
- viaxes, aloxamentos e comidas (concreción de menús) de deportistas femininas ou dos equipos femininos nos desprazamentos necesarios para as actividades deportivas de competición e/ou clasificación;
- inscricións en competicións e probas de deportistas ou equipos femininos;
- arbitrxes de competicións e probas de deportistas femininas;
- equipo técnico e deportivo adestrador das deportistas ou de equipos femininos;
- equipamento (sempre que este equipamento incorpore o logo do Concello de Vigo), que sexa destinado a deportistas femininas;
- compra de material deportivo necesario para o adestramento ou competición das deportistas ou dos equipos femininos;



Copia do documento - Concello de Vigo	Data impresión: 18/08/2022 13:02	Páxina 1 de 5
CSV: A9A3B6-A9E931-4EAHA3-7QATNN-SVC24R-FD		
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Ref. Expediente 11636/224	
Asunto	SUBVENCIONS PROMOCIÓN DEPORTE FEMININO
Destinataria	CLUB CÍES SQUASH CAMELIAS 114 VIGO (PONTEVEDRA) 36211

- alugueiro de instalacións deportivas, gastos telefónicos, de internet e mantemento das aplicacións web e/ou presenza dixital;
- adquisición de produtos de desinfección e limpeza, así como produtos de hixiene e material de protección fronte a COVID-19, etc.
- En xeral, serán subvencionables todos os gastos ocasionados polo funcionamento da entidade deportiva que garden relación directa coa actividade deportiva das xogadoras ao longo da tempada 2021/2022 ou do ano 2022, no caso das modalidades cuxa tempada deportiva sexa anual.

Non se valorará como gasto subvencionable o uso das instalacións deportivas municipais do Concello de Vigo cando ese mesmo importe fose tido en conta para xustificar a subvención concedida na convocatoria específica de subvencións da Concellería de Deportes deste Concello.

Quedan excluídos como gastos subvencionables os seguintes: a adquisición de bebidas alcohólicas de calquera tipo, espectáculos, adquisición de patrimonio e/ou investimento e calquera outro gasto que non sexa necesario para a consecución da actividade subvencionada.

(Máis información na Base 2ª)

2º. PUBLICIDADE

As entidades beneficiarias das subvencións deben deixar constancia do financiamento municipal en todas as comunicacións e en calquera actividade enmarcada no programa subvencionado coa inclusión da imaxe corporativa oficial do Concello de Vigo (equipamento, web e redes sociais, publicidade, etc).

(Máis información na Base 13ª)

3º. XUSTIFICACIÓN

a) Forma de xustificación. A teor do disposto no art. 81 do Regulamento da Lei xeral de subvencións establécese o emprego de medios electrónicos, informáticos e telemáticos para o procedemento de xustificación das subvencións, polo que todos os trámites deberán ser realizados a través da sede electrónica do Concello de Vigo.

No caso de que se achegue a documentación presencialmente, requirirase a súa emenda mediante a súa presentación electrónica. A estes efectos, considerarase como data de presentación da documentación aquela na que tivese realizado a emenda.

b) Prazo de xustificación. As beneficiarias das subvencións deberán xustificar como data límite o 30 de setembro de 2022 (incluído) o cumprimento da finalidade para a que se concedeu a subvención e a aplicación dos fondos recibidos.

c) Cantidade a xustificar. A entidade beneficiaria terá que presentar facturas electrónicas ou copias dixitalizadas das facturas orixinais en papel equivalentes ao importe da axuda concedida e copias de facturas polo resto do orzamento do proxecto presentado.

Poderase substituír a presentación de copias de facturas polo gasto do proxecto non subvencionado pola presentación dun balance que abarque a totalidade do gasto ou por unha certificación na que se



Copia do documento - Concello de Vigo	Data impresión: 18/08/2022 13:02	Páxina 2 de 5
	CSV: A9A3B6-A9E931-4EAHA3-7QATNN-SVC24R-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

IGUALDADE

CONCELLERÍA DE IGUALDADE
E NORMALIZACIÓN
LINGÜÍSTICA

CONCELLO
DE VIGO



Ref. Expediente 11636/224	
Asunto	SUBVENCIÓNS PROMOCIÓN DEPORTE FEMININO
Destinataria	CLUB CÍES SQUASH CAMELIAS 114 VIGO (PONTEVEDRA) 36211

acredite que o programa obxecto da subvención foi executado na súa totalidade e o seu custo total foi de euros.

Terase en conta como importe xustificativo a base impositiva do importe das facturas e demais documentos de valor probatorio equivalente que se presenten como xustificación, excepto que se acredite debidamente mediante certificado da Axencia Tributaria que a entidade está exenta de IVE, ou que se declare no anexo VI que o importe do IVE derivado dos gastos da axuda a xustificar en relación á subvención concedida pola Concellería de Igualdade de Vigo é asumido pola entidade beneficiaria ao non poder deducilo.

d) Documentación.

Lémbrese que as bases e os anexos para a xustificación pódense consultar e descargar na sección “convocatorias e subvencións” da web municipal www.vigo.org

1. Anexo VI: Solicitud de pagamento e certificación, asinado pola/o secretaria/o e pola/o presidenta/e da entidade:

No apartado 2 deste anexo, certifícase que o programa obxecto da subvención foi executado na súa totalidade e o seu custo total foi de euros. Este apartado deberase cubrir facendo constar a cantidade actualizada do **gasto total da actividade de toda a entidade** na tempada 2021/2022 ou do ano 2022, no caso das modalidades cuxa tempada deportiva sexa anual.

IMPORTANTE:

Cando o gasto xustificado sexa inferior ao 100% do importe do orzamento do proxecto presentado pola entidade beneficiaria na súa solicitude de subvención, a axuda será entón minorada na mesma proporción.

Lembrámoslle que **o orzamento do proxecto que esa entidade indicou na súa solicitude de subvención foi de 71.000,00 €** polo que se o importe reflectido no apartado 2 do Anexo VI da conta xustificativa fose inferior, procederase a minorar a axuda concedida na mesma proporción.

2. Anexo VII: Xustificación do gasto do proxecto correspondente ao importe da axuda concedida, asinado pola/o tesoureira/o e pola/o presidenta/e do club:

Consiste nunha relación clasificada das facturas que achega a entidade para xustificar o importe da **contía da axuda concedida**, con identificación do/a acredor/a e do documento, o seu importe e data de emisión.

3. Facturas electrónicas e/ou copias dixitalizadas das facturas orixinais en papel, asinadas electronicamente pola/o representante legal da entidade:

As facturas corresponderán a gastos que deben estar vinculados directamente co fomento de actividades deportivas dos equipos con licencias femininas, ou das deportistas individuais.

Deberán estar ordenadas e numeradas seguindo a orde de clasificación do anexo VII polo importe total da subvención outorgada.

As ditas facturas deberán estar asinadas electronicamente polo/a representante da entidade, e deberán conter os seguintes requisitos esixidos legalmente:

- Número e, no seu caso, serie



Copia do documento - Concello de Vigo	Data impresión: 18/08/2022 13:02	Páxina 3 de 5
CSV: A9A3B6-A9E931-4EAHA3-7QATNN-SVC24R-FD		
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Ref. Expediente 11636/224	
Asunto	SUBVENCIÓNS PROMOCIÓN DEPORTE FEMININO
Destinataria	CLUB CÍES SQUASH CAMELIAS 114 VIGO (PONTEVEDRA) 36211

- Nome e apelidos ou denominación fiscal
- Número de identificación fiscal (NIF ou CIF)
- Descrición detallada cos prezos unitarios, se é o caso, da operación, adquisición ou contraprestación
- Lugar e data de emisión
- Nas facturas computarase o gasto acreditado, deducindo o IVE, salvo que se xustifique se está exenta de IVE; as facturas emitidas por profesionais levarán a pertinente retención do IRPF

4. Memoria de actuación xustificativa do cumprimento do proxecto subvencionado na tempada de referencia facendo especial fincapé nos aspectos cuantitativos e cualitativos da promoción do deporte feminino (competicións nas que participa cada un dos equipos da entidade con licencias femininas ou, no seu caso, as deportistas individuais, os resultados, o ámbito e o nivel acadado nas competicións, material gráfico impreso..., valoración sobre o impacto de xénero na súa modalidade deportiva, facendo fincapé nas actividades e logros realizados por mulleres e posibles necesidades detectadas).

5. No caso de xustificar a axuda concedida con facturas de gastos para equipamento, este deberá incorporar o logo do Concello de Vigo. Nese caso achegaranse fotografías do dito equipamento.

(Máis información na Base 15ª)

4º. PAGAMENTO

O aboamento da subvención efectuarase mediante transferencia bancaria, unha vez remate o programa obxecto da subvención e sexa debidamente xustificado.

Procederase ao pagamento parcial ou redución proporcional do importe nos seguintes casos:

- Cando o gasto xustificado sexa inferior ao 100 % do importe do orzamento do proxecto presentado pola entidade beneficiaria na súa solicitude de subvención. A axuda será entón minorada na mesma proporción.
- Pola obtención de maiores ingresos ou financiamento do previsto no proxecto.
- Polo incumprimento das obrigas da entidade beneficiaria.

(Máis información na Base 18ª)

5º. ACEPTACIÓN OU RENUNCIA DA AXUDA CONCEDIDA

No prazo máximo de 10 días, a partir do día seguinte ao da notificación, a súa entidade está obrigada a comunicar por escrito á Concellería de Igualdade se acepta ou renuncia á axuda concedida. A falta de manifestación expresa, entenderase aceptada.

(Máis información na Base 14ª)



Copia do documento - Concello de Vigo	Data impresión: 18/08/2022 13:02	Páxina 4 de 5
	CSV: A9A3B6-A9E931-4EAHA3-7QATNN-SVC24R-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

IGUALDADE

CONCELLERÍA DE IGUALDADE
E NORMALIZACIÓN
LINGÜÍSTICA

CONCELLO
DE VIGO



Ref. Expediente 11636/224	
Asunto SUBVENCIONS PROMOCIÓN DEPORTE FEMININO	Destinataria CLUB CÍES SQUASH CAMELIAS 114 VIGO (PONTEVEDRA) 36211

Para calquera consulta que desexen realizar poden dirixirse á Oficina de Igualdade, no teléfono 986 810 284.

Atentamente,

Vigo, na data da sinatura dixital

A xefa do servizo de Igualdade; Cristina Gómez García

Recursos: a resolución da Xunta de Goberno Local, sobre concesión das axudas, esgota a vía administrativa e contra a mesma poderá interpoñerse potestativamente recurso de reposición ante a Xunta de Goberno Local no prazo dun mes ou, directamente, recurso contencioso-administrativo perante os Xulgados do Contencioso-Administrativo de Vigo, no prazo de dous meses, de acordo cos artigos 123 e 124 da Lei 39/2015 do 1 de outubro do procedemento administrativo común das administracións públicas e dos artigos 8.1 e 46 da Lei 29/1998 do 13 de xullo reguladora da Xurisdición Contencioso-Administrativa.

En todos os casos, os prazos contaránse a partir do día seguinte á recepción da correspondente notificación, publicación ou de desestimación.



Copia do documento - Concello de Vigo	Data impresión: 18/08/2022 13:02	Páxina 5 de 5
CSV: A9A3B6-A9E931-4EAHA3-7QATNN-SVC24R-FD		
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		